

Seniors I: De Bruma erstochert iis e gleckliche Punkt

Quasi all d'Leit un der Clotûre waren sich no de 90 Minutten eenz. D'Gleck war dës Kéier op der Seit vum Orania.

Och wa mir e poor Chancen haaten an dësem Match su heet Walfer an der zweeter Halbzeit unbedingt de Sak missen zou maachen. Unverméigen, e goud gelaunte Goalkeeper an eben d'Gleck honn awer dozou gefouert dass mir 3 Punkten Avance op d'Barrageplaz behaalen.

Bei sonnigem mä léftigem Wiärder um Komp war et en zerfuaren 1.Halbzeit mat eem lichtem Chanceplus fir d'Visiteuren. Fir Walfer war et e geféierlichen Distanzschoss (6.Min) ous +-20m an eemol guff hiere Stiermer ("mat der Nummer 9" O-Ton Jengel S.) um zweete Poteau vergees deen awer de Ball net richtig ous der Loft treffe konnt. Fir Veinen (26. Min) war et de Käptn mam Koop, no mustergültiger Flank vum Dave.

Nom Weesel hott een ee Moment laang gemeent den Orania giff zum Sturm ubloosen well war et den André Pacheco (47. Min) deen mat eem herrliche Schoss just d'Laat getraff haat. Ab deem Moment guff d'Spillen vun de Veiner agestallt an et waren déi Walfer déi zu eener Réi Chance komm sënn. Den 0-1 hung well an der 57. Minutt an der Loft wi de Walfer Stiermer mat der Nummer 9 en 1000% Chance eelen virun der Këst verginn honn.

An der 69. Minutt war et dann awer su weit nodeems e Freistuus vun de Visiteuren schnell ousgefouert an de Ball durch de 16er gespillt konnt ginn. Beim Schoss war néist méi ze haalen. 3 Minutten drop war et alt mol rem de Stiermer mat der Nummer 9 deen rem eelen virum Goal just nooch vum Steve gebremst konnt ginn.

En Veirelstonn viru Schluss guffe mir rem monter an su war et den ageweeselten Andy "Bruma " Antunes deen sein momentan goud Form rem en Kéier ënnerstreiche konnt. En Kombinatiun mam Dan Zanon ass kanpp dolaanst gaang an sein Schoss war net kadriert genouch.

Wi well kee méi mat em Goal gerechent hott konnt de Bruma de Ball, no em Freistuus vum Richard, am Faalen mat fléissiger Mathëllef vum Gegner iiwer d'Linn drecken.

De Punkt war awer zu deem Zeitpunkt nooch alles anischt wi geséichert : De Stiermer mat der Nummer 9 konnt nooch en Kéier eelen virum Steve optauchen an alt rem hott heen d'Nerve net behaalen.

Positiv ass dass Veinen lo a 5 Championnatsmatcher um Steck ungeschloe bleibt an dass mir och mol rem en Kéier vum Gleck profitiert honn. De nächste Sonndig geet et bei den Tabellenzweete op Beggen. Do musse mir allerdings zwu Schéppen drop tesslen wa mir am Henri Dunant Stadion eppes wëlle réissen.